

۱۴۵۱

آبونه

سنه لك آلى آىلق
توركيا ايجين ۴۰ غروش ۲۵ غروش
ممالك اجنبیه ايجين ۱۰ فرائق ۶ فرائق

نسخه سی ۵۰ باره

دوردنجی سنه

ایجتیهاد

مدیر مرخص

الهامی صفا

اداره خانه

ایستانبول ، جفال اوغلنده دائره اجتهاد
Adresse: Idjtihad Constantinople

نومرو ۶۷ — ۳۰ مایس ۱۳۲۹

حریت فکریه یه خادم ، پنجشنبه کونلری چیقار ، اقتصادی ، اجتماعی ، ادبی مجموعه

روزنامه مدن بر یاقراق

صوک بهار ، ۳۲۲

بوخزون صوک بهارک کونشسز و آلوده طلال ساسی آلتنده
طبیعتک یواش ، یواش تورم ایتدیکی دیویلیوردی . خفیف
روزکار شیمدی متروک کلستانلردن ، شکوفه زارلردن متردد
و عجوب کچرکن نفس واپسین کی یواش و مؤلم فیصیلهدی :
— کچدی !

آلام مشترکه نک ویردیکی قرابت حس ایله دقت ایتدم ؛
امیدک قوه حیاتیرورنه طرمانه رق حالا محافظه طراوت اتمکه
چالیشان قرائفیل ساقی اوزرنده سرلملین و طراوتیانکی ا کدی
ویاننده کی صولغون قاسم چیچکنه صوردی :

— حقیقه کچدی ؟

قاسم چیچکی تکرار ایدیوردی :

— آومت ، کچدی ، کچدی !

ایکیسی ده آرتق امیدسز ، چیچکسز و متورم طبیعت اوکنده
مفهور ، خراب و مایوس صوصدیلر ...

برسکونت مظلومانه آره سنده یاغمور . حزن . آغلایچی
و کیمسه سز بر یاغمور ، یابانچی و صوثوق بر صوک بهار یاغموری
حالا یاغیوردی ...

دوشوندم : ذاتا حیات بشرده شوکله دن عبارت دکلیدر ؟
« کچدی ! »

.....

وبن ، شکوفه لرله سوسلنمش بهار بدیعه پرورده ، قار
فیریطنه لرلی ، کوپوکللی پر خروش ابحاری ایله مهابت و عظمت
بورونش جوشا جوش قیشده اولمک ایسته مم ... طلوعک
کزن ششمه دار وزیرنی ، غروبک خورشید یاقوتیسی ، رنک
سوسله مه سین ! ایصسز ، صرف درین قراکقلرله سکونت
مشغومدن متشکل بر کیجه ده ، هر شیک آرتق اولمش . بر
غیای ظلمت بیکانکی ایچنده اریوب کیتمش کی دوردینی بر
کیجه اولمش خاطرله رک دیرلدیکی . قانامش یاره لرک قانادینی
وانودلش الملرک کولکی تکرار دوغرامه باشلادینی . یأس
وملاک دمیر نیجه سی روح اوزرنه آرتق اچیلماق اوزره
قانادینی اولیال مدیده فاجه نک برنده یاقامدن طوتکر ، دست
خشینکزله فی رحم و شفقت کسکین قایالر . وحشی داغلا ،
نامشاهی جولار اوزرندن سوروکلیه رک بوتسلیتسز ، بوخائن
و وفاسز مالک اک قورقوج بر دره سنه . بر قعر سیاه کتومنه
کوله کوله بوغقدن صوکره قانی ، سفیل جسدیمی بر ضربه
استحقار ایله اعماق مجهولیت ونسیانه فیرلاتکیز !.. بوده بنم
حیات و کائناتدن آلدیغم انتقام اولسون !..

علی رضا سیفی

کومروک صطایه

مستوره لر آراسنده

قلیچ زاده حق بکه

اوکون چیقان بر حوادث بتون محله فی سهویندیرمشدی .
آرتق قادنلر اولیه اسکیزی کی آچیق صاچیق سواقغه
چیقمایه جقلمش !... محله بکریک ، محله اشرافنک و بلانغینی
قهوه خانه ده هرکس کال تهالیکه بر قاق غزته نک اوزرنه
یغیلمشلر بر آغزک عجله عجله او قوماقده اولدینی سطرلری
کوزلریله تعقیب ایدیوردی . سطرلرک ختام قرائتنده غزته
ینه الدن اله دولاشماغه باشلادینی بر صرده « قهرمان » دینکله
مشهور بر محله بکی یوکسک سسله : - بوندن صکره حدلری
وارسه اوقاریلرینه اولیه سواقغه چیقسین !.. علم الله اولکی سنه
کوپری باشنده یایدیغی ینه یایارم !.. دیه هایقیردی . قهوه
نشینلری بر صراق استیلا ایتدی . صوردیلر : - نه یاندک
به قهرمان ؟.. قهرمان بو سؤاله ، استغرابی اشراب ایدر
بر نظرله باقتقدن صکره ، جواب ویردی : - نه تخفکسز !..
دیمک که اونوتدوکز . یا هو او زمان غزته نر یازمادی میدی ؟
(کوسکینی کره رک) بن بر قادنیک چارشافی بیرتدم به !..
بو جواب اوزرنه اوراده کیلر تقدیر و حیرانیتله قهرمانی سوزدیلر .
قهرمان علاوه ایتدی : - طورسونله برابر کوپری باشندن
کجیوردق . بردنبره نه کورسه ک ؟.. اوزاقدن دار چارشافلی ،
الدوبنی ، یوزی کوزی آچیق بر قاری کلیور !.. طورسون
بانا دیدیکه : - کلنی کوریورمیسک ؟.. نه شکر شی به !..
طوغریسی یاقاری چوق کوزلیدی . کیمیلیر او مسخره چارشافک
ایچنده نه طانی برشی واردی !.. دیرکن طورسونه دیدم که : -
نه دیمکمش ؟.. یا هو فرنکستانده ی بز ؟.. کوزرنک اوکنده
بویله رذالتلره قاتلاغق اولماز . بن بو قارنیک چارشافی
بیرتاجم . هایدی طورسون کورهم سنک قابادایلیغکی !..
بو ایشده قاچاق یوق ها !.. نهمه لازم طورسون صحیح
قابادایی ، مرد چوق در . هیچ بویله شیدن قاچاری ؟..
بر ایکی دیمکه قالمادی ، طورسون بر (یا الله !) دیدی .
نصل آکلانیم جانم !.. بز . قاری به بر صالدرق .. (قهقهه
ایله کوله رک) حاصبه باشدن بر کره شاشلادی . دیرکن عقلی
باشنه کلدی . باشلادی : امداد !.. امداد !.. دیه هایقیرماغه .
کیمک نه حدی امداده قوشاق ؟.. هم هرکس جسارت ایدمه ،
هم ده یایدیغمزی هرکس بکندی . دیرکن اوجانم ایپکلی
چارشافک پارچه لرلار مرده قالدی ، قاری بییلدی . اطرافزی
بر غلبه لک صاردی . شمدی قاچاق یرده یوق .. دیرکن بز
بر غیرت کلدی . پولیسلر کله دن بر (یا الله !..) دیه رک
حیزلاندق . غلبه لک آیریلدی . بز یولزه دوزلدک . فقط کچ
قالکمز . یاقالاندق هرکس صراقله : - آمان قهرمان پولیسلری